

地3361157

133
:3

連平州志

連平縣圖書館藏

3

連平州志卷之六

連平州知州奉天盧廷俊傑人氏重修



兵防

教場

舖舍

營塘

附

三代以來惟唐府兵稱善我

朝八旗一如府兵之制外則綠旗官兵相地度險甚習

星羅極為得宜州治建于九連蕩平之後昔為戎莽

之地今成文物之邦教化行而戎馬不生於郊裁去

內管之大營減各處之議設僅留四樓樟坑茶山野

鴨潭四處共土兵一百七十名耕食巢田以防要害

連平州志

卷之六

兵防

順治八年新定經制防守官兵四百名設守備一員

千總一員把總二員續奉 各憲節次抽撥除汰僅

存二百一十九名康熙二十三年歸併防營州之守

備把總梳行裁汰止留千總一員戰守兵一百六十

二名歸和平營守備統屬自無冗官冗兵之費足為

戰守捍禦之資矣

四樓兵八十名耕食巢田二千五百四十五畝

野鴨潭隘兵四十名耕食巢田八百六十畝

樟坑隘兵三十名耕食巢田六百五十五畝

茶山隘兵二十名耕食巢田四百五十畝

以上巢田糧米俱輸於州四棧三隘兵自聽州守委

補

舊制附錄

牟應受曰九連峻嶺千霄深峒巨窟夙稱大巢兵防其河容後顧兵猶火也弗戢自焚何以使兵與民不相妨而相資以爲用禮義以先之潔已以正之而信賞必罰時其簡閱鼓其銳氣庶幾樽俎之間銷患未萌勝以不戰斯兵制之善也

連平州志

卷之六

兵防

二

內管爲九連門戶附近州治議設兵二百名建立大營起造守備衙舍與州相爲犄角

野鴨潭係九連要路賊渠陳萬每從此出入奉文議設兵五十名

樟坑係九連要害賊首趙十滿故巢今議設兵五十名

榨林係長寧連平要路議設兵四十名

茶山德慶屯南湖斗銀梅舖四處各設兵二十名共八十名

通其兵四百二十名四樓守兵共五百名

籌兵原文惠州府連平州為清豪占汰游冗割吏私以建威銷萌永奠危疆事奉南贛軍門潘憲牌前本部應請設兵連平鎮平兩新城本月二十七日接部報該兵部題覆奉 旨這連平添兵防禦及專勅道臣增設守把事宜俱依議舉行共措餉一欵清出田畝及採鐵餘利給軍已足務核豪占官侵不得駁削加派反為民害韶雄潮三府蘭橋廠等稅反上杭河稅自部額外果有餘羨還遵 旨查明報部充餉欽

此照得連平與龍南接壤既設兵以建威銷萌務相犄角自今長寧河源等處盜賊充斥亟設兵之始一清根本為此仰連平州官吏約會龍南等知縣各將本州縣地圖面相商確由九連深菁要害之處直至龍南橫岡下歷等營某處宜為大營某處宜列障分戍旁及長寧河源等處聯絡聲勢緩急應援如臂使指會詳繪圖以憑轉發各道覆覈詳奪等因到州蒙此遵依約會龍南等知縣於十一月十七日齊至橫岡營各至所轄地形要害面相商議逐一詳酌為此

該本州牟參青得連平一州路通四省自州城南二十里爲茶山又五十里名百口塘古趨長寧前抵河源此入粵之正路也迤西五十里爲東桃銀梅又九十里爲翁源縣前抵韶州府與湖廣宜章縣接壤賊首陳萬自九連攻樂昌入始興經從此道入楚之便路也迤東二十里爲內管大兵由此攻克陳萬九連門戶此最喫緊進二十里爲上下藍洲又二十里爲長峰迤賊首林庚子巢焉由小路出熱水抵和平通福建武平縣入閩之捷徑也九連之北爲樟坑狹隘

兵防

連平州志

卷之六

四

險阻賊渠趙十滿故巢從樟坑出經曲潭李田又三十里爲橫岡營即江西龍南界陳萬自吉安太和田此歸巢奉有四省會剿之旨始克蕩平尤扼要之區也一山環亘六百餘里而中爲九連肚峻嶺層巖十蹊萬徑此九連之所由名也今議設大營宜於內管約兵三百各一守備統之築圍建署布列營房於九連爲扼吭於州制爲犄角平居照守汎地遇警入衛州城議分成一宜樟坑一宜野鴨潭陳萬敗北從野鴨潭遁去我師追克之係九連要路各設兵一百

名把總一名領之自野鴨潭出忠信司九十里為南
湖斗流賊往來於長河龍永之間必經此道宜與州
前二十里之茶山五十里之銀梅鋪長寧之百口塘
錫廠河源之德慶屯兵六處應設六哨每哨或兵四
十名各一哨官領之其橫岡營現兵二百名可不必
議增查每兵每日僅領餉一分似為大減應量加增
以示鼓勵橫岡之前十五里為冷水逕內三小逕通
九連之樟坑而冷水其總路宜增兵八十名把總一
名領之以上各兵星羅碁置首動尾應除橫岡冷水

二營屬江右統轄外其連平各兵應照疏載專勅一
道專董之使法令必行兵民相安一切糧餉悉聽本
道支散卑州謹嚴查利弊不時報聞而餉銀毫不經
手庶州官得以鈔束息各兵分囂之口兵士有所畏
憚杜弁流淫傲之端誠為桑土綢繆兵屯共濟庶邊
城鞏固永舒聖主南顧之憂矣為此除清豪占汰游
冗等聽候道府館酌議外謹就州縣地圖險要會同
龍南等知縣合詞申報為此云云

崇正八年十一月

日知州牟應受

兵餉復詳文該本州知州牟應受查看得建哨立營
係巖疆要着而議糧措餉尤設兵先資自蒙三院司
道府館從萬山賊藪中創建州治卑職練兵固守兩
年於茲復蒙南贛軍門潘 疏請增兵八百名奉檄
親應要害酌定營伍會同龍南縣面議申報在案今
奉本府刊館吳具詳本道多方措處設兵四百二十
名合守城兵八十名共足五百名之數大有造于連
平矣滿盤總算內汰冗一節於左後二營各抽一哨

連平州志

卷之六

兵防

六

計兵一百八十名又於十九哨之內每哨抽五名計
兵九十五名共二百七十五名皆有餉額不煩再計
又爐餉六百九十兩合龍川賊穀六百六十八石足
百兵之費共足三百七十五名餉銀又全書編載守
城兵一百二十名因錢糧不足暫編七十二名半工
食其餘四十八名半議於大量賊田抵補以上通共
寔在餉銀四百四十六名半無待措處矣其四百二
十名內尚缺餉四十八名半共缺九十三名半應派
于七巢田畝查照原詳每兵一名田二十畝計兵九

各半該田一千八百七十畝哨官五名該田一

把總一員該田

田二千

零

五亩

躬谷儘力

有承耕數

者有租

熟而收遠道者有收穀貯於佃民之宅而花

者如野鴨潭并樟坑營二處着落營官看

附近忠信司照管稍免別弊其餘九連肚

下藪等處人跡罕到卑州揚盡心力而所收租無

幾也合無每兵照魚鱗冊授田二十亩不必躬耕或

自行指佃自為料理則田無荒廢租有實落蓋就黔

省計兵授田之法倣而行之亦屯田中通融之一端

也然均一兵也孰領現在之餉孰屯山谷之田豐儉

既異勞逸不均無以服眾議野鴨潭樟坑二處既依

險立哨傍畝建營二處兵即授以田不復支餉其內

管大營并茶山德慶梓林南湖斗銀梅六處於前項

餉銀內支給斯為長便總計原文七巢田四千五百

一十畝議養兵九十三名半哨官五員把總一員共

二千零八十五畝尚餘田二千四百二十五畝猶恐

田多荒蕪或以佐兵餉之不足或以充守備門役皂
快工食之用即聽守備自行招佃自行收支與前項
餉銀併龍川田穀俱照前詳守備赴本道親領支給
軍州毫不干與庶糧餉各有專理巖疆永獲平定矣
為此謹將田畝數兵數冊逐一開明理合具申伏乞
照詳轉達施行

崇正九年十二月

日申

教場

在城東南合水壩前東西二十七弓南北八十六弓

重平州志

卷之六

兵防

八

約地九畝三分

知州牟
應受建

南向上建演武亭二間後為

關聖祠三間

後俱度順治十一
年守備吳章重建

其地原係生員卓毓祥

糧田洪水荒蕪呈請給價豁糧知州牟應受詳豁給

價康熙二十五年鄉民王惟一與營互爭界地知州

佟國瑞會同城守勘審以十塹為界自後虞芮不復

訟矣

近年洪水
亭基沖去

營汛

黃茅葦汛銀梅地州防營兵分戍

相梓園汛水面地州防營兵分戍

野鴨潭營九連南口巢田兵駐守

漳坑營九連北口巢田兵駐守

九連肚汎今移茶山巢田兵駐守

田仍九連

古塘舖汎

忠信地

惠協兵一百名千總一員駐防

康熙五年

晉州事惠州府通判王民望詳設

康熙十八年撤回今防營兵分戍

舖舍

建州之始回路走遞郵致迅速今則東西北三面已

廢獨南走惠郡晉七舖焉工食八名州前舖二人餘

皆一人

連平州志

卷之六

兵防

九

州前舖二十里

至

茶山舖三十里

至

東葉陂三十里

至

巖村舖三十里

至

榉林舖三十里

至

錫場舖三十里

至

大橋坑四十里

至河源

以上共七舖

營塘

州頭塘

窄頭塘

官陂塘

廣東壩塘

南湖斗塘

河源塘

雙頭塘

青湖塘

塘虱湖塘

板橋塘

小金塘

府前塘

詳設塘兵原文

惠州府連平州為暫設塘兵以代郵傳事本州前具
及時增修一文并議東西二路應設十七舖應舖兵
十七名每年每名工食銀七兩三錢共該銀一百二
十二兩四錢具文通詳叨奉三院司道府采蒙俯允
行牌到府查議將該州何項銀兩議給務要妥當錄
報以憑轉奪等因奉此竊思草昧新邑毫無可措近
因善後事宜有贛南之役道經橫岡象脚下龍南信
豐一帶地方親見里數遙遠前議遞舖闕一不可因
就行兵之術酌為權宜之計議於州城設塘報四各

百口塘一名洲頭一名橫岡營一名龍南城內一名
如南路公文自州發塘報一日之程送至百口塘交
明轉送嚴村舖挨次遞至惠州府東路一日遞至洲
頭亦一日遞至和平縣北路公文自州一日送至橫
岡營亦一日轉送龍南縣塘兵各刻圖書註明某月
日發某月日到以便稽查各塘兵就本處哨官統之
果無違悞一二年後准加把總調管營兵庶有責成
惟洲頭則屬巡司管理計每塘兵一日工食銀三分
每年該銀十兩八錢遇閏加銀九錢塘兵九名共該

銀九十七兩二錢除橫岡營龍南城內聽龍南縣酌
議外本州六名該銀六十兩八錢查州賦役全書
內編載舖舍四處兵八名每名編銀六兩共銀四十
八兩除州前舖兵一名看守舖舍給銀六兩外剩銀
四十二兩以充塘兵六十四兩八錢之數尚欠銀二
十二兩八錢遇閏不計容卑州設處給之就此卑職
愚見似覺費用少而走遞倍速亦權宜不得已之計
也俟後另有別項錢糧加舖卒如前所議或亦未晚
抑職尤有懇焉自州七十里至橫岡營即龍南縣所

連平州志

卷之六

兵防

十一

轄與九連樟坑相去咫尺往年陳萬自江西泰和等
處歸巢正從此道今與本州宜呼吸相應庶血脈相
通請乞憲臺行牌橫岡營知會自後凡有聲息即行
馳報彼此應援尤為長計為此今將前由具申伏候
照詳施行崇正八年九月日知州牟應受申蒙巡按
廣東監察御史葉批如議即行繳南贛軍門潘批該
州塘兵如詳歲給工食以便走遞仍移會龍南縣及
橫岡營逐程接送不得少稽其橫岡營用該營目兵
不必另議工食也兩廣軍門熊批據詳甚妥仰嶺東

分守道如議速飭行繳

連平州志

卷之六

兵防

十二

津梁 橋渡 茶亭

道路

王政回達則津梁衢路來往各得其所九月除道十月成梁而民不病涉矣十里有廬廬有飲食而民無饑渴矣連平建萬山中溪湍驟漲度岸千里炎蒸負戴崎嶇喘汗吁嗟道路始信橋渡之為安瀾茶茗之為甘露也鄉黨有好義者或一肩獨成或眾力合舉免致臨流悲公渡道左苦扇暍利濟洵非淺鮮所當載之簡端以為樂善者勸也志津梁

橋梁

津梁

連平州志

卷之六

十三

會緣橋

城東門外康熙二十三年客人徐大用募建

南虹百橋

康熙五十八年貢生顏子純捐建原名南薰今易橋橫一十二丈五尺百柱九度計一十八條石梁九條共用銀玉十五兩其橋板出通鄉舊會

赤硃石橋

牛神逕橋

軟坑橋

三多橋

惠化古坑里謝元建康熙四十年生員謝呈茂捐修有記

龍興橋

惠化管坑水口雍正三年謝元瑞彭宗禮倡捐謀始募眾督建閱三載落成州守李各揚旌以寶

筏渡迷

隆興橋

惠化陳田坑萬歷丙子節婦卓氏捐銀一百四十兩命男謝嘉作建造另捐田一十二畝

為修橋費雍正二年洪水冲

鳳凰烟橋

圯曾孫謝復祥等公捐修復
萬歷間邱集生捐
建孫邱全玉修

廣濟渡

惠化蠅村監生周子芳
毋卓氏捐田設濟有碑

公慈渡

內管亞公項貢生周嗣達率族人公
設共捐買田一十二畝養贍篙工

茶山渡

鄉耆巫大受捐田六畝各姓
共捐五畝三升設渡贍渡夫

義濟橋

取馬磔发水米坑
生員謝皇命捐造

大埠渡

鄉耆謝大恩捐
建詳耆壽門

黃沙徑石橋

鄉人公建

連平州志

卷之六

津梁

十四

大田橋

康熙壬戌鄉人
張宗善捐造

太平橋

鄉人鄭維
鉉捐造

牛過渡

即老興渡今改老津在長吉朝山下鐵船潭
大河通衢城內紳士林元芳等公捐買小水

田一十五畝設渡承濟糧米三斗二

升一合載長吉畝六甲賴德富戶

東葉陂渡

鄉人公設

百口塘渡

鄉人公設

五福潭橋渡

長吉大羅寨下老穴頭帶那回敬捐造
春下舟渡秋冬架橋施田七畝併山林

屋場給給為渡夫工食立冊呈請州

守胡印照子孫世守年八十五卒

清連渡

忠信官陂河贈文林郎知縣何嵩捐貲造舟
捐田十畝資給渡夫載忠信哥糧米二斗一

升四合後其水冲坏疫頭工資不敷生員黃大顯
鄉耆何廷璣募義捐晉田種十亩共勸前美續晉
糧米載河源大州

三畮何大業戶

淡涵石橋

忠信官陂南里許監生何多為捐囊募義
建立石橋與徒攸利橋長六丈百條六廣

二尺餘厚一尺餘

其柱亦百為之

復興橋

官陂下社
莊姓公建

永安橋

銀梅東瓜洞萬歷
年間通鄉公建

三多橋

炎火即下鄉耆
劉天錫捐建

茶亭

連峴亭

成南里許州
之迴龍勝景

津梁

連平州志

卷之六

十五

正烈亭

連峴亭左表前州守蔣公劉宜
人墓康熙四十四年紳士公建

柱石亭

即撐腰石康熙五十四年進士何深母顏氏
捐建每年貢茶以候行人施田六畮贍茶夫

糧米六升載惠化

哥八甲何兩風戶

豐盤茶亭

雍正五年鄉耆謝剛任建夏秋
貢茶每年捐谷四百給茶夫

樂慈亭

長崗崑順治七年建州守劉懋德題壁云善
殿登臨層巒時滴松陰兩停霖慈止過客常

披竹鐫雲貢生林旃捐田供僧貢

茶有託鄉耆周仁遠續捐田二畮

猴子額茶亭

康熙十一年鄉耆謝旭明建施
田五畮供僧貢茶以利行人

歇馬磔茶亭

生員謝呈芳建後廢卓姓修復
卓應宗捐田三畮付寺僧貢茶

古坑茶亭

康熙二十五年建鄉
人謝邦宪施田五畮

水洋崗茶亭

注銀梅孔道
近廢宜修

蒲蘆崗茶亭

鄉音劉天
錫捐建

道路

巖陂路

開州守牟應受捐俸六十兩義民謝明時謝

功各捐銀數十兩於山顛鑿險砌石往來稱

便順治間流寇由此擄劫密溪鄉民共廢之順治

十六年義民賴天賦捐貲一百二十兩募工開築

康熙二十三年貢生謝上琮募修移路山腰較前

徑捷雍正三年監生謝敏道謝君仁等繼志共捐

銀一百兩借山根鋪

砌與馬如履坦途

候子額路

崇正八年州守牟應受捐貲闢路山腰行

人便之順治十一年義民傅陶路倡捐另

闢由漆木凹右畔歷楓村

排沿溪而出較昔尤捷

津梁

連平州志

卷之六

十六

秩官

自古循良首重親民方州作牧厥注艱哉而學校共
戎咸資率協設師長以佐教分防守以詰奸承以廳
尉里司宣令布化何以使文綏武戢綱舉而目張惟
期共相砥礪各精白乃心登回境於衽席留芳名於
簡策庶不負

國家建官置吏所以為民之至意云爾志秩官

崇正八年建州設知州一員吏目一員學正訓導各
一員訓導裁和平學訓導充之

建平州志

卷之六

秩官

十七

知州

明朝

牟應受

字子咸貴州安順府貴筑县人遷貢申永安

崇正八年四月任調陞建州治清文彙

田興學設兵則壤定賦百務畢以平明慈惠循良

著績纂志集畧建民刻木立祠卒於官崇祀各宦

著治安集二本披荆

約畧二本存學今失

吏目

吳懷忠

江南徽州人監生崇正

八年八月任卒於官

學正

蔣繼紳

廣西全州人歲貢崇正八

年十二月任以察處去

袁用兩

東莞縣人歲貢崇正十二年八月任

訓導

楊景充

潮州府人歲貢崇正八年四月任卒於官

黃甲聯

合浦縣人歲貢崇正九年八月任

忠信司巡簡

潘民俊

福建福州人吏員卒於官

林大標

福建泉州人吏員

長吉司

王重道

浙江杭州人吏員

連平州志

卷之六

秩官

十八

闔屬

河源縣知縣

方秉正

江南歙縣人歲貢崇正八年任

主簿

裴顯宗

浙江紹興人吏員卒於官

周成文

浙江平湖人吏員

典史

洪應期

浙江山陰人吏員卒於官

江映蟾

浙江嘉興人吏員

教諭

余

乾
廣州新會人
舉人

訓導

黎兆旦

東莞人
歲貢

曾心得

琼州昌化人
歲貢

河源所吏目

郭家珍

江西贛州人
吏員

藍口巡簡司

毛尚文

江西廣信人
吏員

連平州志

卷之六

秩官

十九

呂新政

浙江紹興人
知印

寶江驛

趙之鏤

江南庐州人
承差

義合驛

蔣光憲

江西南安人
吏員

和平縣知縣

高士第

福建宁化人
恩貢
崇正八年任被劾去

典史

吳士玠

江南吳县人
吏員

周嘉賓 浙江長興人吏員

教諭

易第昌 南海人舉人 崇正八年任

刑頭巡簡司

劉一初 廣西梧州人吏員

營官

蕭龍 野鴨潭把總擒賊渠郭豹子 有功 題擢惠州右營把總

貢舉

鄭奕垣 河源中多試 四十一名

連平州志

卷之六

秩官

二十

鄭鳴韶

奕垣父 選貢

李夢台

河源 歲貢

李樹東

河源忠信 番歲貢

黃載珍

忠信 歲貢

謝良翰

惠化 歲貢

李樹霖

村東弟 歲貢

黃育元

和平 歲貢

鄭雲卿

奕垣侄 恩貢

黃成元

育元弟 超貢

以上本州志建州初制故備錄焉

知州

明朝

蕭騰蛟

字霖 楚安化人貢生 崇正十二年七月任

姜賜履

字渭水 南昌人進士 崇正十四年五月任 律已不渝 吏畏民懷 崇禋 謀藝文風丕振 陞湖

州府同知

城南有祠

朱進修 字敬天四川資陽人舉人益藩王府親支崇正十七年四月任公慎鼎革遁去

皇清

劉宏祚

江西南昌人舉人順治四年二月任才猷卓越鯁介不阿因內管營叛兵破城死之

楊士龍

浙江仁和人恩貢順治五年任

蔣世珍

江南大興人監生順治六年九月任操守廉介除暴安民為忌者所譖卒於官

徐焜

江南興化人貢生順治七年十一月任卒於官

曹國卿

遼東錦州衛人貢生順治十二年十月任廉潔正直卒於官

劉懋德

字含輝遼東寧遠人貢生順治十五年正月任廉靜有守賦性不阿極詆平藩開採惠

化百姓刻木崇祀陛

開封府知府育河

秩官

連平州志

卷之六

二十五

羅拱垣

字維垣江西羊城人舉人由孟縣陞授康熙二年二月任賦質疑重施政公平卒於官

李秀

松山人貢生原北直西城御史謫守康熙六年二月任清公正直不事俯仰甫任一月辭

高光國

字塊寶北直寧晉人進士尚江西龍南令陞授康熙七年二月任精慎不渝礼士愛民作

養人才文風丕振十載政蹟

詳去思碑陞廣東益驛道

佟國瑞

字輯五遼東奉天人廕生康熙十九年八月任康熙二十七年以計處去

于廷弼

遼東廣寧人監生初任湖廣沅陵縣知縣卓異特陞康熙二十八年十月任

王濟民

正黃旗人由監生康熙三十八年任操守清潔慈而能斷四十年征剿八排以才能調

連

州

戴之鐸

江南吳縣人監生康熙四十一年四月任

張明望 正黃旗人 廕生 康熙四十五年六月任

徐旭旦 浙江錢唐人 監生 康熙四十九年十月任 辟盜除兇 修城賑濟於地方 有整頓功 學問淹

通所著集唐詩

尤自成一家

石榜磯

正白旗漢軍 魏音保佐 領下人 監生 康熙六十年二月任

胡功成

福建長汀人 歲貢 由浙江定海縣陞授 雍正二年八月任 身先節儉 每食菜羹 創建義學

志切

振興

李名揚

福建漳浦人 由歲貢 雍正三年十二月任

李 焯

山東曹縣人 歲貢 由廣州府通判 題授 雍正五年九月任

盧廷俊

正黃旗都統 馬世毅佐 領下人 監生 由河南鄧州 特簡調 連平州 雍正八年三月任

秩官

連平州志

卷之六

吏目

明朝

李呈華

海門人 監生 崇正十二年二月任

曹國裕

揚州興化人 吏員 崇正十四年四月任 卒於官

龔一位

湖廣興國州人 吏員 崇正十七年任

皇清

鄭 亮

福建南平人 恩貢 順治四年四月任 內管 叛兵 破城 死之 曹錦明 江南人 吏員 五年任

余應文

二月任 守城有功 以告去 柯正亨 湖廣人 吏員 六年任

崔預兆

陝西韓城人 吏員 順治十五年十月任 卒於官

吳應廣

江南休寧人吏員順治十八年五月任卒於官

朱允寧

山陰人獲鹿籍吏員康熙三年十月任調陞廣東鹽運司吏目福建侯官人吏員康熙十七年七月

方象祥

月任由本州長吉司巡檢調陞山東曹縣人監生康熙二

安敬

十三年七月任卒於官

康大任

陝西人卒於官

朱仕可

浙江人卒於官

邵成彬

浙江鄞縣人康熙四十六年任卒於官

人稱

西門水瘦頭石街彬捐俸十金修筑宛平行

便

朱光霽

原籍浙江山陰人康熙五十六年任卒於官長於文學

連平州志

卷之六

朱松玉

原籍浙江山陰人雍正五年任

學正

明朝

邱誠

鎮平人監生崇正十四年九月任

林燧

福建莆田人貢生崇正十七年二月任

皇清

葉上青

北直人恩貢順治四年三月任叛兵陷城死之

游光復

福建侯官人貢生順治九年十二月任陞博羅縣知縣

池上鳳

番禺人舉人順治十六年六月任卒於官

陳官順 南海人舉人康熙五補 河南舉人順治 年任

龐嗣琳 南海人丁酉副榜康熙七 年五月任建學有功沐致

李應龍 保昌人貢生康熙十三年 七月任以海逆破賊奔職

鄧夢韶 順德舉人康熙二十年 歐陽英騎 新会人選貢 二十三年任

薛世瞻 順德人舉人揀選知縣改授學正康熙二十 五年七月任才优文瞻學宮州志修輯煥然

課訓勤篤多艺何君以士著初膺 丁卯魁薦振興文教人比趙德云

蔡文鶴 舉人 亞元

吕文煥 新会人岁贡由肇庆府學訓導陞康熙 三十四年正月任陞韶州府學教授

黎見隆 南海人壬午舉人字選知縣改授教職東 照五十七年九月任好學能文課士有方

連平州志

卷之六

黃琨 南海人廩貢由濬州訓 導陞雍正九年七月任

訓導

明朝

凌民顛 侯官人貢生崇正十 二年十月任卒於官

游圻 福建莆田人崇正 十六年任卒於官

林克御 莆田人貢生崇正 十七年任卒於官

皇清

曲江人貢生順

莫汝功 治六年十月任

施朗先 福州人順治 八年六月任

周增輝 龍溪人順治十二年六月任

康熙三年奉 部文裁訓導

忠信司巡檢

明朝

潘文俊 福州人吏員崇正八年五月任卒於官

林大標 泉州人吏員崇正十四年十月任

張正溥 吉水人吏員崇正十七年三月任

皇清

林必選 寧波人吏員順治四年五月任

連平州志

卷之六

秩官

二十五

李閻章 岡县人吏員順治八年四月任陞稅課司

胡調鼎 山陰人吏員順治十七年七月任丁父艱去

李夢龍 江西南城人吏員康熙十年九月任

陳士肅 大興人吏員康熙十四年八月任

莫維翰 浙江仁和人吏員康熙二十一年四月任二十五年以計外去

劉永吉 陝西華州人吏員康熙二十五年九月任

樂國賓 浙江人

甯兆龍 北直人 卒於官

錢廷選 浙江人

屈體玉

順天籍陝西人吏員康熙

五十九年二月任

王潤

順天籍浙江人吏員雍正

七年正月任卒於官

沈國棟

直隸新城籍浙江人吏員原廣西庫大

使服滿揀選改補雍正八年四月任

長吉司巡檢

明朝

王重道

浙江杭州人吏員崇正

八年八月任卒於官

章益鄉

福建龙岩人吏員崇正十四

年二月任督城有功卒於官

金育光

浙江餘姚人吏員崇

正十五年九月任

皇清

連平州志

卷之六

秩官

二十六

潘世爵

嘉興人吏員順治十

五年十月任卒於官

方應凱

浙江金華人吏員康熙

元年十月任卒於官

倪維梓

浙江山陰人吏員康熙

四年九月任卒於官

丁大任

陝西人吏員康熙

十年三月任辭去

方象祥

福建侯官人吏員康熙十一年

十月任十六年調陞本州吏目

王之鑑

順天人吏員康熙十九

年十一月任卒於官

吳永惠

江南元錫人吏員康熙

二十二年十一月任

程世基

江南人

卒於官

羅元贊

浙江人以

丁元去

王國仕 浙江人 卒於官

高倫 浙江人 卒於官

宋邦正 浙江人 卒於官

馮鈇 江南人 以病去

陸天祥 直隸人 卒於官

崔行健 浙江人 卒於官

朱德元 浙江人 以老去

王天福 山西人 卒於官

王大受 浙江人 卒於官

連平州志

卷之六

秩官

司遐齡 浙江人以州同取借 補雍正八年七月任

守備

明朝

宋克猷 江南華亭人三科武 舉崇正九年四月任

蘇萬邦 肇慶人崇正十四年 六月任陞韶州遊擊

皇清

吳章 福建閩县人順治五 年正月任被劾去

高攀柱 北直順義人順治十 六年十二月任廉靜

楊嘉瑞 江西永新人康熙五年 十一月任陞大同遊擊

穆廷樞 山海關人武進士康熙十一年十二月任陞惠協右營都司

周鵬雲 河南鄧州人朝鎮右營守

楊受祿 湖廣德安人遼東籍康熙二十二年六月任奉裁去

康熙二十三年奉文裁連平營守併歸併和平營兼

轄康熙二十五年總督吳提督許會

題添設千總一員分防連平城守

城守千總

陳文德 漳州人功加都司康熙二十五年七月任

陳占 福建人行伍康熙三十一年任

連平州志

卷之六

秩官

二十八

鄭昂 福建漳浦人行伍康熙三十七年任

車昌文 歸善人行伍康熙四十五年任

林國昌 福建漳浦人行伍康熙五十二年任

鍾俊 博羅籍長樂人行伍康熙六十年任

李連 歸善人行伍雍正五年六月任雍正七年調右營平山汛

李印 長樂人行伍雍正七年十月任

營千總

皇清

管捷泰 程多人順治五年正月任身不滿五尺知官勇絕人順治八年回營賊圍城定州守徐煥守

備吳章俱因公往府泰協同吏目余應文固守城中食盡秋稻將熟莫敢出獲泰徑開南門提兵鏖戰乘間河西門縱民逃刈救飢人心始定順治十一年賊袁密溪泰追兵克之被擄男女悉奪回一鄉復全日之論功官於城樓設牌位侍

閔帝表其守禦勇畧

張茂英

惠州人順治十七年十二月任

周龍

福建同安人康熙八年十二月任

張應煌

本州東桃人康熙十六年七月任

李亦威

肇慶人康熙二十年任奉裁去

康熙二十三年奉文裁連平營千總

營把總

連平州志

卷之六

秩官

二十九

皇清

曾魁

左司

陳俊

右司

黃國江

右司

吳明俊

左司

黃瑞

左司

吳國士

右司

劉敬

右司

薛彥

左司

余三

右司

劉化

左司

康熙二十三年奉文裁連平營把總

守城把總

明朝

賀炳

與內管營同謀破賊劫庫

林育英

鍾呼

皇清

賴元

謝瓊

葉晉

順治十三年奉裁歸併防營

連平州志

卷之六

秩官

三十

選舉

唐虞有闢門之曲成周著書升之法選舉所自始也
漢興孝廉賢良郡國皆得自薦舉其法最近古隋唐
以來有進士明經諸科相沿為科目迨宗明而益盛
大抵三代以后有薦辟有特科有科目其途廣矣
國朝取士兼綜條貫文武並用我

皇上龍飛用人無方賢材畢登俾大小臣工各舉所知

臨軒察試有自生員起家至二千石者士生今日成禮

逢而抒蘊抱何遇之隆也科目尚矣他途附焉志遠

連平州志

卷之六

選舉

三十一

舉

牟志曰山川之氣郁勃已極朝華初披々秀未振文

武諸士必有并先而繼起者惟修德以培之乃學以

充之清白矢心中正報國是所望於諸紳衿也

進士

皇清

湛 縉

字

順治庚子舉人辛丑進士任湖廣辰

溪縣知縣治尚簡靜康熙十三年甲寅介不

受偽擢家潛归具陳

藩府督抗各加旌獎

何 深

字頃波州庠多才嫡長子年十九康熙丙子

舉於鄉丙戌第進士初任河南扶沟合力勤

整飭弭盜安民丁外浪去士民紮折柳園歌詩贈
行服除補山東高苑令時西陲征剿澤亡阿刺蒲
坦深抵任即請軍前効力轉餉察漢搜兒往還沙
漠幾二萬里軍功議叙加二級紀錄二次丁母尤
暇除補湖南長沙令甫閱月謝病回籍雍正八年
奉檄分纂廣東通志旧刻有四書文稿出塞吟晴
窓偶錄
等集

顏希聖

字宜葑歲貢生容舒長子康熙庚子舉人雍正

元年癸卯恩科進士翰林院庶吉士器

宇沉靜詩文蘊藉年方英壯省覲歸里讀書養親

足不出戶將來宦蹟豈揚族党咸屬望焉

舉人

明朝

陳應虬

崇正己

卯科

連平州志

卷之六

選舉

三十三

皇清

湛縉

順治庚子

科登進士

楊淑

康熙癸

卯科

袁良牧

康熙丙午科亞元任湖廣衡山縣知縣

省刑薄賦士民愛戴致政進道攀送

康熙辛酉科

陳情表

任 省 縣

何多藝

字槐周贈公嵩次子康熙丁卯舉人建州五

十餘年生長斯土音開科自藝始詩文卓越

英年授出三十二歲而歿

同學為服總麻其誌痛惜

何多學

字澗舟贈公嵩第六子與從子深同領康熙

丙子鄉薦初授江西南康令康熙甲午同考

秋闈解首出門下所取皆知名士乙未春北鄉試

黨明載天為符煽動學挺身率練勇馳縛渠魁寬

其替從不煩一兵鄉民安堵丁內尤服除補山東
堂邑令抗字心勤司寇黃抗軍陳交薦擢武定州
牧隸三其率屬愛

民凜慎如一日云

何深

康熙丙子科與季父多
學同榜舉人登進士

林遇春

字又常康熙壬午舉人序選知縣改授教職

初任廣州府南海縣教諭雍正元年癸酉科

奉調粵西同考秋闈解元陳宏謀即所取士餘皆

有聲陞涼州府儒學教授聰明博覽作文不起草

日就十餘藝遇事果於育為拔出

何多聞

字世繼号西山康熙戊子科舉人候補中書
改授教職選授廣州府連州學正課訓功專

雍正丁未

卒於官

顏希聖

康熙庚子舉
人登進士

選舉

連平州志

卷之六

黃光憲

字亦波雍正丙午舉人庚戌會試
年已七十徒步入長安壯志過人

副榜貢

鍾思復

字戒迷康熙甲午科中陳瀚榜副榜好學深
思文章淵雅與人交無諛言古之直諫友也

謝上榮

字錦泉雍正癸卯恩
科中謝仲坑榜副榜

恩拔貢

周為盛

康熙四
年恩拔

袁承詒

康熙二十五
年恩拔

傅雨化

雍正元
年恩拔

何廷楠

雍正七年 恩拔
廷試第一進士深家子

恩貢

明朝

謝天衢

崇正 年
恩貢

皇清

謝命龍

字雲從順治八年 恩貢由旗下 教習任山
東聊城县知县賦性敏決廷前官舊逋二萬
餘又帶徵累年积欠奏報全完当水陸衝疲一切
供应下累民間禁盜緝逃四境安枕席焉

曾爾玉

順治十二年
恩貢考县丞

蕭瑞昌

順治十八年
恩貢考选州同

曹宗姬

康熙三十
六年恩貢

連平州志

卷之六

选举

三十四

羅洪章

康熙四十
七年恩貢

顏容美

雍正元
年恩貢

歲貢

明朝

陳易簡

崇正十年貢任潮州府
揭陽县訓导課士有声

賴上昇

崇正 年貢

葉蔚

崇正 年貢

陳易昌

崇正 年貢
易簡弟

謝挺

命龙父崇正 年貢
任龍州府学訓导

葉棧新 崇正 年貢

疏無問學家

盡心嫡

學之經營大有功

黃序作興故
實用獎賢弟

崇正 年貢

劉鴻圖

崇正 年貢

邱學化

崇正 年貢

張纘武

皇清

林英

順治年間貢初任新安縣訓導陞東莞縣教

諭轉肇慶府學教授尋陞東陽縣丞 督
撫 題掌德慶州事清勤抗字征浦著績培

養士類修德成州誌學問宏博著有詩集

曾孫詒

順治四年貢選

廣州府學訓導

選舉

連平州志

卷之六

三十五

黃鳳來

順治五年貢

姚京玉

順治七年貢

陳傑

順治八年貢任陽春縣

訓導陞清遠縣教諭

謝永正

順治九年貢初任高明縣訓導陞儋州學正

署本州知州事廉靜愛人特留州府教授辭

杜門不出州庭未嘗

一至年七十八歲卒

聿拔熾

順治十年貢

徐捷顯

順治十一年貢

熊非熊

順治十年貢

章文燦

順治十五年貢

任和平縣訓導

邱毓尼

順治十年
六年貢

陳應鳳

順治十七年貢
任惠來縣訓導

楊舒標

順治十八年貢
任始興縣訓導
丙辰之變
率家遇兵

蕭亦鏡

康熙元年
年貢

康熙三年停止歲貢
至八年復行歲貢

殷英士

康熙九年
年貢

葉明震

康熙十一年貢
任樂昌縣訓導

袁良揆

康熙十二年貢
任欽州訓導

歐光中

康熙十四年貢

建平州志

卷之六

選舉

三十六

賴德崇

康熙十五年貢

郭約宴

康熙十七年貢

林 栴

康熙十八年貢
任南海縣訓導

何育我

康熙二十年貢
為人醇厚
恬靜
淳然
太璞

彭 穆

康熙二十一年貢

劉家賓

康熙二十三年貢

林茂祥

康熙二十四年貢

紀雲章

康熙二十六年貢

張虎宴

康熙二十七年貢

康熙二十六年奉部文二十年起歲貢免

廷試准以督學道考次候選

朱 貴

康熙二十九年貢

顏子佐

康熙三十年貢百齡人瑞
秉元長子詳見人物門

余日芳

康熙三十二年貢
年貢本姓吳

陳上章

康熙三十三年貢

石煥章

康熙三十五年貢

顏子仁

康熙三十七年貢百齡人瑞次子仕清遠縣
訓導課士諄篤引年還家子於饑送綵鰲滿

江性端直对人無矯飾語持家乘二十餘年不私

尺帛斗粟日患昏蔽逾十載逢医所即見年七十

選舉

連平州志

卷之六

三十七

七歲猶健餽天福

吉善斯之謂與

吳 澄

康熙三十八年貢

顏子純

康熙四十一年貢百齡人
瑞四子任長寧縣訓導

謝子建

康熙四十二年貢
任河會縣訓導

劉槐亭

康熙四十四年貢

劉嘉賓

康熙四十五年貢

張應孔

康熙四十七年貢

吳纘泰

康熙四十八年貢

顏容舒

康熙五十年貢庶吉士
帝聖之父 封文林郎

黃羨

康熙五十一年貢
任保昌縣訓導

曾得一

康熙五十三年貢

謝廷拔

康熙五十四年貢

溫恭

康熙五十六年貢

謝皇誥

康熙五十七年貢

李夢連

康熙五十九年貢

曾敏

康熙六十年貢

謝傍伸

雍正元年貢

鄒盧熊

雍正二年貢

運平州志

卷之六

選舉

三十八

顏容肅

雍正四年貢

謝房寅

雍正五年貢

周嗣蓮

雍正七年貢

歐景行

雍正八年貢

何洪

雍正十年貢
進士深之弟

例貢

明朝

朱命昌

卓運開 周鳴岐 曾科叔 謝上琮

謝者乘

皇清

袁衍琮 任惠來

黎民佐 任保昌

黎輝吉 任瓊山

何洲

縣教諭 廩貢任東莞縣訓導舉人 武定州知州多學家子

顏容穉

何潤 謝國宣 吳潛 劉履仁 林瑄

謝希元 俱庠 貢

武舉

何樹楷 康熙甲子科

陳雯 康熙辛卯科

例監

林元芳 吳三錫 葉廷升 顏紹聖 謝景中

連平州志

卷之六

選舉

三十九

賴廷謨 鍾夢賓 葉維橋 林宗聖 黃若槐

陳命奇 黃喬然 李肇祥 陳祖虞 以上俱庠監

謝琳 吳奇璋 周子芳 謝呈鳳 范一純

吳子璋 謝巨 謝麗 謝崇 曾佳章

廖逢際 謝世芳 謝世璋 劉傑 謝郁

謝世基 劉應春 謝及申 張應焯 謝廷蘭

以上俱俊秀 三十四人載韓志仍之近已繁多遵

通志例登仕籍者方載

將弁

黃貴

字介臣隨傅將軍征剿有功題補廣西撫臺將軍前營副將康熙十五年任裁缺候補

胡標

字显臣封骠骑將軍由行伍從原連平城守楊嘉瑞隨征臺灣破廈門有功總督姚啓聖提督施朗會題議叙以功加副將用援屯田例

赴上蔡懇荒二千餘亩先用銓授江西南安營副將晉參將事在任二十六載兵民和輯康熙四十

五年南安飢民剽掠狀兵抚靖一方賴以安全康熙五十七年告老回籍為人質直坦

易胸無谿刻乐善哀旧治族睦鄰恩封三代咸称太平福

將云壽七十七歲卒

林正達

浙江嘉兴營守備告老回籍

謝葵章

順治年間任和平千總

賴上策

康熙十年任提標左營千總

連平州志

卷之六

選舉

四十

彭清

本姓刘任提標右營把总分駐河源城守東桃舖人康熙十六

張應煌

年任本州營千總

卓英

本姓林和平營把總康熙三十六年駐防連平州城守

陳一星

江西南安營把總

李華

康熙四十二年任本姓馮肇庆排右營千總康熙五十九年任

胡秉仁

封骠骑將軍標三子江西贛州城守營把總

馳封

明朝

周建御

以子結虞貴贈文林郎廣西武緣縣知縣

曾

以子汝貴贈奉直大夫

廣西馬平州知州

以子載珍貴贈文林郎

黃

浙江錢塘縣知縣

皇清

顏容舒

歲貢生以子希聖貴封

文林郎翰林院庶吉士

州廩生定歷女以子

葉氏

希聖貴贈孺人

儒士元亮女以子

張氏

希聖貴封孺人

儒士得賢女以夫

曾氏

希聖貴封孺人

教諭以子命龍貴贈文

謝挺

林郎山東聊城縣知縣

以子縉貴贈文林郎

湛時濟

湖廣長溪縣知縣

贈

連平州志

卷之六

四十一

袁用兩

學正以子良牧貴贈文

林郎湖廣衡山縣知縣

州庠生以子多學貴贈文

何嵩

林郎山東堂邑縣知縣

儒士文對女以子多學貴贈孺人性勤儉內

郭氏

助起家教子諄篤皆成各

制詞曰郭氏淑慎其儀柔嘉維則宣訓於朝夕不忘

也育子之勤集慶澤於門閭式被自天之寵蓋寶錄

藍氏

儒士玉淑女以夫

多學貴封孺人

胡嘉憲

以孫標貴贈

孫騎將軍

以孫標貴

盛氏

封夫人

以子標貴贈

胡多

孫騎將軍

周氏

以子標貴

余氏

封太夫人
以本生子標

俞氏

貴封夫人
以夫標貴
封夫人

鄉飲

明朝

謝良翰

詳見宦蹟壽
七十五歲卒

葉暢

長寧人附生入監綜理建州
詳見義畧壽八十七歲卒
冠帶賓壽九

賴耀元

十七歲卒

林文泮

南海訓導旃之父冠帶賓三子成諸生登
仕籍一人孫曾盈列膠庠壽八十歲卒

連平州志

卷之六

四十二

謝明時

教諭挺之父聊城知縣命其祖冠帶賓與
宴三次子孫接跡仕籍壽七十三歲卒
冠帶賓壽九

李子經

十八歲卒

歐時宴

冠帶賓與
宴二次

謝功

貢生上隰祖冠帶賓性情端方與宴
二次好義見津梁門壽八十四歲卒

李智

冠帶賓壽九
十五歲卒

謝繼誠

字惺宇冠帶賓賦性醇謹分肩建州有司獎
譽與宴二次子復培有孝行復璧一娶育八
男孫枝蕃衍膠庠濟

美壽

八十三歲卒

朱肖岡

冠帶賓壽八
十三歲卒

吳維聰

冠帶賓壽八
十五歲卒

莊如波

冠帶賓壽八十七歲卒

朱元初

貢生命昌父冠帶賓壽八十一歲卒

賴金選

冠帶賓壽八十七歲卒

劉承祐

冠帶賓壽七十歲卒

曾初升

冠帶賓乐善好施优恤貧困與三邑賓宴順治間賊衆其乡見畫像焚香羅拜而去虽緣

林亦知敬世壽

八十五歲卒

劉慎所

冠帶賓休理建城有司旌獎壽八十歲卒元配賴氏壽一百零三歲卒

皇清

謝復霖

冠帶賓賦性敦樸好善乐施事親孝謹有司旌譽壽七十二歲卒

鄉飲

連平州志

卷之六

四三

周聯魁

冠帶賓有司旌獎乡里稱為長者壽七十三歲卒

歐守廣

冠帶賓

周聯芳

冠帶賓壽八十一歲卒

顏秉元

冠帶賓詳著人瑞門

賴心素

州庠琼輝祖冠帶賓壽八十五歲卒

周集成

冠帶賓壽八十歲卒

以上俱載舊志

張登賢

冠帶賓

謝復元

冠帶賓

葉自茂 冠帶賓

吳象恒 冠帶賓壽八十二歲卒

謝呈璣 冠帶賓

曾公璧 冠帶賓

謝繼揚 冠帶賓

謝繼桃 冠帶賓

劉益其 冠帶賓壽八十七歲卒

梁承綸 冠帶賓

曾定周 冠帶賓

連平州志

卷之六

鄉飲

四十四

謝呈璋 冠帶賓

謝元雯 冠帶賓

周文緒 冠帶賓

曾斯桓 冠帶賓

周為白 冠帶賓

周受命 冠帶賓

謝呈璞 冠帶賓

顏子信 冠帶賓壽七十七歲卒詳善行門

余日新 州庠生冠帶賓醇謹質實壽八十七歲臨終沐浴高枕而逝

